



Hamaika meritu

Euskararen inguruan urteetan lanean aritu diren esparru ezberdinetako 11 pertsona omenduko ditu Korrikak

TESTUAK • ASIER ITURRIAGAETXEBARRIA
ARGAZKIAK • GARI GARAIALDE



Jose Angel Iribar

ATHLETICEKO ATEZAIN OHIA

«Athleticen euskararen aldeko giroa dago»

«Giro ona dago alde horretatik. Euskaraz dakitenak euskaraz mintzatzen dira, eta ez dakitenek ere, ahal duten neurrian, beti erantzuten dute euskaraz. Giroa alde horretatik oso ona da. Euskararen alde egiten ari diren ekitaldi eta ekintza guztietan ize-na emateko prest daude denak. Jokalariek badakite zein den euskararen garrantzia gizartean, eta ez dut jendeari gogorarazten aritu behar».



Pedro Migel Etxenike

ZIENTZILARIA

«Zientziak baino lehentasun handiagoa dute beste arlo batzuek»

«Zientzian euskararen egoera beste arloetan bezalakoa izango da. Memento honetan nik ez dut uste zientziaren arloan lan egitea garrantzitsua denik. Badira beste arlo batzuk non euskarak eroso izan behar duen: eskolan, familian, komunikabideetan, egunkarietan, telebistan, eta abar. Nire ustez, arlo horiek dute lehentasuna besteen aldean».

Hamaika da aurtengo Korrikaren zenbakia, eta 11 lagun dira Korrikak omenduak. Gaur hasiko da Korrika, baina hasi baino egun batzuk lehenago EUSKALDUNON EGUNKARIAK omenduekin egon nahi izan zuen. Horretarako, Donostiako Konstituzio enparantzaren elkartu zituen denak. Denak, Luzien Etxezaharreta Maiatz literatur elkarteak ordezkaria izan ezik. Donostian elkartzeak izan du bere arrazoia: Iruñean hasi eta Gipuzkoako hiriburuan bukatuko baita aurtengo Korrika, hamar egunetan Euskal Herria zeharkatu ondoren.

Omenduek elkar ezagutzen ez bazuten ere, haien artean giro bikaina sortu zen berehala. Horretan zerikusi handia izan zuen Jose Ramon Etxebarria irakasleak. Etxebarria izaten den tokian ez da faltako gatza eta piperra, eta oraingoan ere halaxe

izan zen. Omenduetako bat izatea berarentzat «erantzukizun bat» dela esan bazuen ere, horrelako ekimenek «gazteago sentiarazten» dutela aitortu zuen gero, Maitena Aragüesek irribarre egiten zuela.

Jose Ramon Etxebarriaren antzerako umorearekin etorri ziren Donostiara Laudioko Ikastolako irakasleak. Aurpegian nabaritzen zitzairen omendu izateak harro sentiarazten dituela, eta ez da gutxiagorako. Hala ere, gaitz nontzeko omenduak bezala, apal agertu ziren, eta argi utzi nahi izan zuten talde handi baten ordezkariak baino ez direla.

Arantza herria da aurtengo beste omenduetako bat, eta bera ordezkatzeko zein hoberik Jose Ramon Amoros alkatea baino. Korrikak badu Arantzarekin kitatu beharreko zor bat: Korrika ez da sekula handik igaro. «Arantza